



Vogošća, ul. Jošanička br. 80, tel: 00387 33 586 413, fax: 586-444

Broj: 03-20-1407/23
Vogošća, 19.07.2023. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ br.49/06 i 51/09), član 71. i 125. Statuta Općine Vogošća „Službene novine Kantona Sarajevo“, broj 27/14 - Prečišćeni tekst,14/15 i 9/20), Općinski načelnik objavljuje:

JAVNI POZIV

za ostvarivanje podsticaja putem sufinansiranja nabavke novih plastenika

I PRAVO UČEŠĆA

Pravo na učešće u Projektu imaju svi zainteresovani građani općine Vogošća (fizička i pravna lica), koji imaju prebivalište na području općine Vogošća, a upisani su u Registar poljoprivrednog gazdinstva i Registar klijenata Općine Vogošća, pri tom posjeduju vlastito zemljište pogodno za plasteničku proizvodnju (minimalno 300 m²), ili su korisnici zemljišta (Ugovor o korištenju zemljišta bez naknade) čiji su vlasnici članovi prvog ili drugog nasljednog reda (bračni partner, djeca, roditelji, braća i sestre), sa maksimalnom udaljenošću 200 m od stambenog objekta u kojem stanuju.

Procenat sufinansiranja će biti utvrđen shodno visini raspoloživog Budžeta namjenjenog za ovaj projekat.

Maksimalan iznos poticaja koji aplikant može ostvariti po ovom javnom pozivu iznosi do 2.000,00 KM.

Podnosioci zahtjeva/aplikanti mogu ostvariti pravo na sufinansiranje nabavke novih plastenika (50 m² i više) za jedan platenik neovisno o kvadraturi plastenika .

Cilj ovog projekta jeste podsticaj plasteničkoj proizvodnji, odnosno prilika da građani općine Vogošća nabave platenik uz minimalne uslove i time poboljšaju životne uslove u domaćinstvu.

Aplikanti koji su ostvarili pravo na dodjelu plastenika u predhodne tri godine (2020.,2021,2022. godina) nemaju pravo izvršiti prijavu na ovaj Javni poziv.

II USLOVI ZA OSTVARIVANJE PRAVA NA SUFINANSIRANJE NABAVKE NOVIH PLASTENIKA

Podnosilac zahtjeva/aplikant treba da ispunjava slijedeće uslove:

1. da je podnosilac zahtjeva/aplikant sa mjestom prebivališta na području općine Vogošća,
2. da je upisan u Registar poljoprivrednih gazdinstava i Registar klijenata u Općini Vogošća i da je izvršio ažuriranje podataka za 2023. godinu do momenta objavljivanja javnog poziva,
3. da je podnosilac zahtjeva/aplikant vlasnik zemljište pogodno za plasteničku proizvodnju, ili da je korisnik zemljišta čiji je vlasnik član prvog ili drugog nasljednog reda (bračni partner, djeca, roditelji, braća i sestre),
4. da je aplikant u trenutku predaje zahtjeva na javni poziv izvršio/la kupovinu i instaliranje plastenika (neovisno o kvadraturi plastenika - 50 m² ili više).
5. da aplikant u posljednje tri godine nije ostvario-la pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
6. da će aplikant kupljeni platenik zadržati u vlasništvu najmanje tri godine od dana ostvarenog posticaja za isti.

III POTREBNA DOKUMENTACIJA

Potrebna dokumentacija za ostvarivanje prava na sufinansiranje nabavke novih plastenika:

1. Zahtjev za prijavu na Javni poziv,
2. CIPS prijavnica podnosioca zahtjeva,
3. Potvrda o upisu u RPG i RK iz 2023.godine, izdata od nadležne Službe Općine Vogošća,
4. Vlasništvo nad parcelom koja se namjerava koristiti za instaliranje plastenika (ZK izvadak, Posjedovni listi, Ugovor o korištenju zemljišta bez naknade i dr.),
5. Dokaz da je korisnik zemljišta član prvog ili drugog nasljednog reda (Izvod iz matične knjige vječanah, Izvod iz matične knjige rođenih, Izvod iz matične knjige umrlih idr.),
6. Faktura / specifikacija o kupovini i montaži plastenika na ime podnosioca zahtjeva/aplikanta sa dokazom o uplati istog - obavezan fiskalni račun).
7. Potvrda banke o otvorenom žiro – računu na ime podnosioca zahtjeva iz 2023. godine.
8. Ovjerena Izjava aplikanta da u posljednje tri godine nije ostvario-la pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
9. Ovjerena Izjava aplikanta da će kupljeni plastenik zadržati u vlasništvu najmanje tri godine od dana ostvarenog posticaja za isti.

Dokumentacija koja se prilaže uz zahtjev za prijavu na Javni poziv mora biti original ili ovjerena kopija

IV PROCEDURA ODABIRA KORISNIKA

Općinski načelnik imenuje Komisiju za odabir korisnika (tri člana).

Zadatak Komisije:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika, te dostavljanje iste Općinskom načelniku.
Saglasnost na predloženu rang listu kandidata daje Općinski načelnik na prijedlog Komisije za odabir korisnika za sufinansiranje nabavke novih plastenika.
Konačna lista odabranih kandidata će biti objavljena putem oglasne ploče i web stranice Općine Vogošća.

V ROKOVI ZA PODNOŠENJE PRIJAVE NA JAVNI POZIV

Rok za prijavu na javni poziv je 30 dana od dana objavljivanja

VI MJESTO I NAČIN PODNOŠENJA ZAHTJEVA

Popunjena prijava/zahtjev sa potrebnom dokumentacijom podnosi se na protokolu Općine Vogošća svakim radnim danom, ili putem pošte na adresu: Općina Vogošća, Ul. Jošanička br. 80, Vogošća, sa naznakom za Javni poziv za ostvarivanje podsticaja putem sufinansiranja nabavke novih plastenika.

VII OSTALE ODREDBE

Općina Vogošća ne snosi nikave troškove u postupku prikupljanja i podnošenja prijave na javni poziv.

Neblagovremene i nepotpune prijave se neće uzimati u razmatranje.

Sve dodatne informacije u vezi javnog poziva mogu se dobiti na tel. 033-586-422.

Javni poziv će biti objavljen na web stranici Općine Vogošća, i na oglasnoj ploči Općine Vogošća, u programu RTV Vogošća i na svim oglasnim pločama u MZ.

Izradio: Razija Sipović

Kontrolisao: Kenan Alikadić

OPĆINSKI NAČELNIK
Migdad Hasanović

PODNOŠILAC ZAHTJEVA:

Prezime	
Ime	
Ime roditelja	
Naziv pravnog lica	
JMB / ID broj	
Adresa stanovanja	
Kontakt telefon	

--

OPĆINA VOGOŠĆA
SLUŽBA ZA PRIVREDU, INTEGRISANI LOKALNI RAZVOJ
I DRUŠTVENE DJELATNOSTI

PREDMET: PRIJAVA NA JAVNI POZIV ZA SUFINANSIRANJE NABAVKE NOVIH PLASTENIKA

UZ ZAHTJEV PRILAŽEM:

1. CIPS prijava podnosioca zahtjeva,
2. Potvrda o upisu u RPG i RK iz 2023.godine, izdata od nadležne Službe Općine Vogošća,
3. Vlasništvo nad parcelom koja se namjerava koristiti za instaliranje plastenika (ZK izvadak ili Posjedovni list),
4. Dokaz da je korisnik zemljišta član prvog ili drugog nasljednog reda (Izvod iz matične knjige vječanin, Izvod iz matične knjige rođenih, Izvod iz matične knjige umrlih i dr.),
5. Faktura / specifikacija o kupovini i montaži plastenika na ime podnosioca zahtjeva sa dokazom o uplati istog (obavezan fiskalni račun i faktura na ime podnosioca zahtjeva).
6. Potvrda banke o otvorenom žiro – računu na ime podnosioca zahtjeva iz 2023. godine,
7. Izjava aplikanta da u posljednje tri godine nije ostvario-la pravo na donaciju, dodjelu ili sufinansiranje nabavke plastenika od Općine, ministarstava, humanitarnih i drugih organizacija,
8. Izjava aplikanta da će kupljeni plastenič zadržati u vlasništvu najmanje tri godine od dana ostvarenog postićaja za isti.

Napomena:

Dokumentacija koja se prilaže uz zahtjev mora biti original ili ovjerena kopija.

Saglasan/na sam da u skladu sa članom 5. stav 2. Zakona o zaštiti ličnih podataka („Službeni glasnik BiH“ broj 49/06 i 76/11) Općina Vogošća, kao kontrolor podataka, može obrađivati moje lične podatke u postupku po rješavanju mog zahtjeva, i iste za potrebe ostvarivanja prava objaviti.

Vogošća, _____ 20__ .godine

PODNOŠILAC ZAHTJEVA

L.K. _____ P.U. _____

